

## КОНСТИТУЦИЯ – БАХТИМИЗ ҚОМУСИ

Туман ҳокимлигининг мажлислар залида Ўзбекистон Республикаси Конституцияси қабул қилинганигининг 28 йиллиги муносабати билан тантанали тадбир бўлиб ўтди. Унда тумандаги секторлар, таълим муассасалари, корхона ва ташкилотлар раҳбарлари, хуқуқни муҳофаза қилувчи идоралар ходимлари, маҳалла фуқаролар йиғинлари раислари ва кенг жамоатчилик вакиллари иштирок этдилар. Тадбирни туман ҳокими А.Джурабаев очиб, йиғилганларни Асосий Қонунимиз қабул қилинганигининг 28 йиллиги билан муборакбод этди. Тантанали маросимда жиноят ишлари бўйича туман суди раиси А.Ҳабибуллаев сўзга чиқиб, конститутциямизда белгилаб қўйилган қоидалар, уларнинг жамиятимиз ривожи, фуқароларимизнинг яшаш тарзида туваётган ўрни ҳақида таъкидлаб ўтди. Шунингдек мамлакатимизнинг Бosh Қомусида инсон хуқуқлари, эркинликлари, бурчлари ва мажбуриятлари акс этган қоидаларга алоҳида тўхталиб, фуқароларимизнинг хуқуқий онгини янада юксалтириш йўлида давлат ва жамоат ташкилотлари муунтазам ҳамкорликда фаолият олиб боришлари зарурлигига эътиборни қаратди. Туман маданият бўлими ходимлари ва “Райхон” ашулла ва рақс халқ дастаси санъаткорларининг бадиий чиқишлари тадбирга файз-тароват олиб кирди. Байрам тадбирлари таълим муассасалари, корхона ва ташкилотлар ҳамда маҳалла фуқаролар йиғинларида ҳам кўтаринки руҳда ўтказилди. Тошлоқ тумани ҳокимлигининг Ахборот хизмати.

2020-12-10 18:59:00